

空明洞記

陳基

洞之以空明名者黃巖有二一曰小有空明洞天志所謂靈巖者是一曰大有空明洞天卽委羽山之麓也洞深不踰丈廣不容椽亦未能出雲爲風雨有奇異之觀空明之號何居焉或云中與海通昔有人折聖游之開櫓聲而返又云中爲青衣女子所居每狂出山前叩門居民以溷相投後乃不見之二說者荒遠難信安知飛好事者震其名而加之皆於空明之義無取也山以劉奉林昇仙得名則洞之名亦自此時定之蓋空名者道家之本也予以是存之於心未暇瀟考歲初夏從小扶杖而上遠見豁豁一穴瀕然於蒼崖紫石間卽趣近之兩傍野卉依人道藏輯要

天下名山記  
浙江黃巖委羽山

百

軫集二

好鳥相喚漸近數武拂石床俯拾方石瑞草無言流泉香細天光一綫忽斜映而動搖門口薜蘿皆成金碧之兔俄有風颯然而至則萬壑松濤瀉入其中於斯時也世慮都捐不知天地之大而予僅作洞中人也及其嶺雲乍合明月滿山琪花倒影空翠竄寒道人鐘磬之聲透徹若愈加振響者不覺恍然有悟曰控鶴之人其知道乎夫物空則明明則無所不通人必自窒其心而後於事無所見聞見聞在外所以見聞者在內也內之不足空不明而欲其外之通猶此洞之淤塞古氣已亡徒從事於黃白之法夫安能飄飄而輕舉乎獨是奉林去今千有餘年而此洞之名與所以傳者予始得會於心則此洞之外其不可以存

而不論者亦復何限彼紀載之言有無不可知也以是返而求之杜異說也作空明洞記

道藏輯要

天下名山記  
浙江正真巖委羽山

宣

軫集二

正一天師清微弟...百堅...製作  
道教學術資訊網站